


欽定平定金川教匪方略

三十二



漢書門類			
八	八	一	六
一	六	七	函
四	四	冊	架

內閣文庫			
二	八	漢	
五	八	書	
函	一	冊	架
二	六	號	類
四	四	冊	架

內閣文庫			
番號	漢	8816	
冊數		44	(34)
函號		285	70



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





欽定平定教匪紀畧卷三十二

淺草文庫

正月十九日辛巳那彥成奏言查開州東明長垣

三州縣均經賊匪往來奔竄焚掠村莊而東長

兩縣屢被攻撲城池各地方官於倉猝之際竭

力守護並本處紳士捐資雇募壯勇協同捍衛

始保無虞均屬踴躍急公未便沒其勞績又總

局經理後路軍火糧餉各員冒險轉運毫無貽

欽定平定教匪紀畧

卷三十二

一

誤亦應量子甄敘臣謹擇其尤爲出力者繕具

清單恭呈

御覽伏候

施恩鼓勵又查奉調赴營之吉林索倫勁旅屢次打

仗殺賊實屬奮勇出力現在凱撤官兵內技藝

出色者共有一百三十六員名請俟到齊後

飭令軍機大帶領引

見挑在侍衛處及各處差使上行走可資得力至臣

前獲賊匪秦學會一犯訊係曾充頭日本應卽

行正法緣該犯畏法追悔盡將賊情吐露供出

頭目甚多均經卽時拏獲不致多煩兵力可否

仰懇

皇上天恩於無可宥之中寬其一線伏候

訓示遵行再查徐安幘所供伊家屬內尙有後母趙

氏胞叔徐秉成弟徐安幅並九歲之子小五及
姪徐賢俱在滑縣城內等語欽奉

諭旨令_臣詳究下落查官兵攻克滑城時先經訊明
首逆各犯住處飭令官兵分投攻剿其徐安幅
家屬係副將張大振於十二日帶兵圍捕因向
該副將詳細詢問據稱徐安幅家屬住居大街
路北鋪房磚樓之上官兵勇力仰攻原想徐安

幅卽在其內嗣聞徐安幅已在東門拏獲餘犯
仍敢抗拒我兵一時忿激舉火焚燒所有該犯
家屬婦女幼孩全行燒斃理合查明覆奏奏入
上命軍機大臣傳諭那彥成曰那彥成奏酌挑吉林
索倫兵留京當差一摺所奏甚屬非是吉林黑龍
江官兵鎗箭精熟朕所素知但留京當差格礙甚
多該官兵各有家室此次奉調出兵不過暫時行

役今戰勝凱旋不令其速歸鄉土又復截留駐京
是何情理况伊等原處必各有產業一旦令其委
而去之獨居京師旣無房屋可居又無親戚可靠
種種未便豈可不念及乎現在照每年學圍官兵
之例詢其情願留京者方令留京那彥成奏請將
一百三十餘人統行引見派差斷不准行至所奏
獲犯秦學會供吐賊情尙能詳晰得以指拏賊目
不費兵力可否寬其一線等語秦學會被獲後供
吐賊情不敢隱飾尙知畏法著從寬免其一死發
往新疆給額魯特爲奴

上諭內閣曰那彥成奏查明直隸守護城池承辦軍
需尤爲出力之官員紳士等請加鼓勵一摺上年
直隸開州東明長垣一帶賊匪往來滋擾事起倉
猝各該地方官竭力守護城池紳士等捐資練勇

協同捍衛踴躍急公其辦理軍需局務催運後路糧餉各員均無貽誤茲據那彥成擇其尤爲出力者開單具奏加恩著照所請原任遵化直隸州知州李景梅准其留於直隸以原官補用蠡縣知縣俞英世以同知陞用先換頂戴長蘆試用鹽大使徐張瑛以本班儘先補用縣丞顧霖免補本班卽以知縣陞用革職試用知府趙對墀知縣馮鈺降

調知縣那斯琿原任知縣候補縣丞歐聲振俱准其就近捐復原官留於直隸補用六品銜東明縣知縣朱煒以應陞之缺陞用署長垣縣事試用通判周克家以本班儘先補用典史劉世治以縣丞陞用都司陳夢熊把總梁得貴俱著賞戴藍翎守備劉經賞換花翎原任守備陳萬邦准其開復原官候選直隸州知州李鐸捐職布政司經歷沈宏

亮理問頓夔龍候選訓導李棠捐職從九品張融
有俱著分發試用以示獎勵

同日那彥成同興奏言竊臣那彥成周歷大名
府查辦事竣於本月十四日來至山東曹縣與

臣同興會晤面商應辦事宜查前此被賊滋擾
之處已全就肅清民情安帖惟間有無業土匪
三五成羣夜聚明散鄉民呼爲土甕子乘難民

甫經歸業多有搶竊糧食等事前此直隸清豐
一帶拏獲二十餘人東明一帶拏獲三十餘人
臣同興亦於曹縣定陶等處拏獲一百餘人均
經訊明搶竊是實並非餘匪惟現在賊氛甫淨
大兵未撤之時該犯等竟膽敢黑夜糾竊或故
意放火乘機搶掠若不嚴加懲辦勢必相率效
尤臣等公同商酌將曾經放火搶掠在三次以

上者爲首之犯卽按軍法梟首示衆其爲從之
犯及搶竊一二次爲首者概行發往新疆永遠
爲奴若僅止隨衆偷竊並無放火情事者予以
柳杖如此分別嚴懲庶匪徒畏懼斂跡並請此
後續獲土匪卽按照現擬章程辦理奏入報

聞

正月二十日申長齡楊遇春朱勳奏言竊照萬

五股匪被剿窮蹙竄入太白老林經總兵吳廷
剛派都司党聯陞守備劉藻帶兵六百名跟蹤
追剿嗣據探報該匪已竄入蓋屋山內臣等計
奠吳廷剛祝廷彪之兵尙未趕到當將臣等營
中現有之兵一千名派令副將達凌阿叅將丁
永安全數帶往辛口峪內星夜前進以期圍剿
茲據達凌阿等稟稱該協等帶領官兵於十二

日酉刻趕至老君嶺探知萬五股匪被党聯陞
等窮追連夜東竄該副將查詢道路寬溝口爲
該匪必由之路卽於寬溝內兩面分段設伏該
副將等於寬溝出口地方帶兵堵剿十三日巳
刻該匪果由老林竄入寬溝將近出口地方兩
面伏兵盡起該匪等紛紛爬上山梁當被官兵
殲斃一百餘名萬五帶領狡悍賊匪三十餘人

衝出寬溝經達凌阿等在溝口堵住鎗箭齊發
立斃賊匪十餘名萬五左腿帶鎗傷二處不能
行走有帶去眼目蓋屋縣衙役江貴認識萬五
當卽上前將該犯生擒並擒獲旗手向得勝等
二十餘人餘匪盡行剿除於十四日解送前來
臣等親自提訊供認不諱並調到郿縣素識萬
五之孫得發吳鑑等認明屬實所有該犯供詞

另繕清單恭呈

御覽其吳抓抓股匪於初七日竄至黑河鐵鑪川該
汛把總楊吉春帶兵赴卡督同義勇防堵賊匪
分股遶過卡隘將把總衙署焚燒由後兩面直
撲卡隘正在危急之際經副將何占鰲鳳縣知
縣劉國柱帶領兵勇趕至殺賊五十餘人殺斃
僞先鋒雷光廷一名拏捉活賊四十二名奪獲

過山鳥四桿並有賊匪劉文富楊棒奔投前來
據供此股賊首吳抓抓已往隴州現係王天凱
爲首已被伊二人殺斃訊之活賊供稱無異該
副將等將劉文富楊棒二人各賞銀牌暫留該
營指認首逆該股匪內現係吳奇譚貴爲首業
已分成兩股一股竄往鳳縣搭壩河一股竄往
沔縣屬之茅壩地方臣等前已飛催將軍賽沖

阿帶兵趕赴沔縣杜其入川之路昨接該將軍
來信已於初八日自廣元帶兵前往日內必已
先到沔縣該匪等諒不致竄入川境至河南凱
撤官兵三千名頭二起固原兵一千名於十二
日已至寶雞臣楊遇春卽帶領步隊先赴隴州
剿辦麻大旗劉二股匪計頭起吉林索倫馬隊
二百名於十四五日亦可趕至臣楊遇春軍營

後起河州兵一千名西安鎮標兵一千名於初
十一等日到營吉林索倫馬隊四百名亦於
十二十三等日到營現派楊芳帶領西安鎮兵
一千名河州兵五百名吉林索倫馬隊二百名
同副都統銜達斯呼爾岱前赴沔縣一帶自南
而北會同賽沖阿剿辦黑河之賊臣長齡所調
寧夏兵一千五百名河州兵五百名均於初七

八日已到秦州卽可就近與_臣楊遇春分路夾擊_臣等營中留河州兵五百名靖遠兵一百名並_臣朱勳前調撫鎮標兵四百名現今達凌阿等帶領剿辦峪內賊匪此時大兵業已到齊分撥剿辦自可剋期完結至尤九陳四股匪一千餘人竄至盤屋縣之虎豹河地方今萬五股匪業已殲除_臣等卽令吳廷剛專辦此股賊匪吳廷剛未到之先飭令達凌阿等探蹤剿辦總兵祝廷彪仍令前赴東路專顧寧陝石泉一帶完善之區卽就近搜捕餘匪查三才峽起事匪徒係楊二萬五爲首復分出麻大旗劉二龔貴吳抓抓尤九陳四向小一龍正光譚貴吳奇傅老八等匪分路裹脅各有七八百人至千餘人不等四出滋擾今被官兵連次痛剿楊二先經投

出復被陳四殺死今復將萬五生擒賊鋒已挫
臣等當將萬五臠割派令守備盧亨特將該犯
首級持往三才峽懸掛示衆至生擒之向得勝
等二十一名並安康縣知縣呂朝選帶領義勇
所獲萬五股內逃出之賊匪曾明得等七十八
名臣等訊明實係正賊均卽正法所有鐵鑪川
陣亡兵丁俟查明咨部辦理查萬五股匪月餘

以來係吳廷剛竭力剿辦始能完竣理合據實

奏

聞奏入

上命軍機大臣傳諭長齡楊遇春朱勳曰萬五一犯
係起事首逆今經官兵擒獲臠割示衆餘黨自皆
畏懾著將該逆首級傳示南山各處俾衆聞知以
寒賊膽而壯軍聲現在各路凱撤官兵及吉林黑

龍江勁旅均已先後到齊長齡等分撥已定再遵
照前旨飭知各路領兵鎮將等趁此兵威壯盛之
時各將所辦股匪奮力追剿毋稍予賊以暇辦竣
一股卽合併兵力再辦一股總必於二月內一律
剿捕淨盡毋稍遲延並一面安撫良民勿令再有
裹脅爲要

上諭內閣曰上年冬間據陝西巡撫朱勳奏稱岐山
縣三才峽地方有饑民聚衆滋事之案查係萬五
爲首該逆等因木商停止工作無處傭工輒敢糾
人焚掠不法已極當派長齡楊遇春前往督辦本
日據長齡等奏稱萬五股匪經吳廷剛帶兵連次
追剿殲獲匪黨多名該逆窮蹙奔潰由太白老林
竄入蓋屋山內長齡等復派副將達凌阿叅將丁
永安帶兵協剿於山內設伏以待該逆竄出寬溝

伏兵鎗箭齊發該逆身帶鎗傷經眼目縣役江貴
認明擒獲餘匪剿除淨盡等語萬五一犯乘機倡
亂實爲首惡茲經官兵臨陣生擒餘黨悉數殄除
一月以來均係吳廷剛奮力追剿不予以暇該逆
無路奔逃故得迅速成擒吳廷剛著加恩交部照
軍功例從優議敘達凌阿丁永安探蹤設伏能將
首逆生致實屬奮勉達凌阿著加恩賞加總兵銜
丁永安著加恩賞加副將銜仍交部照軍功例從
優議敘其縣役江貴著賞給八品頂戴入伍以外
委卽補以示獎勵

正月二十一日癸勒保等奏言上年十二月內
托津那彥成奏籌議善後事宜七條又本年正
月復據那彥成奏添設官兵籌撥糧餉一摺並
續奏善後事宜五條均經欽奉

諭旨交臣等議奏臣等按其所奏歸併會議列爲六
款分別准駁恭候

聖裁一三省添改營制兵額一款查各省設兵立制
邊省兵多腹省兵少其就一省內設兵則險要
處兵密平曠處兵稀三省之中河南最爲腹地
山東東濱大海直隸北倚邊東濱海西自居庸
至固關一帶亦係重邊是以三省兵數河南爲

少東省次少直隸爲多而直隸正大廣順之間
置兵亦不如東西北三面之密現查正定鎮本
標及所屬各協營共轄兵五千八百餘名河北
鎮共轄兵五千一百餘名兗州鎮共轄兵七千
五百餘名又直隸督標河南撫標山東河標之
兵亦復相距密邇聲氣相聯足資控馭不得以
亂民偶爾滋事遽議營制之疎今若於直隸添

一提督改鎮爲提改協爲鎮營制旣更則一提
一鎮以下叅遊都守千把等添設多員就別營
抽撥勢必不敷若三省同時添兵一萬二千名
核計俸廉糧餉馬乾公費等項每歲糜帑不下
三十萬均係常川動支之項日久恐難爲繼所
有托津等所奏增設提鎮及那彥成所奏添設
額兵之處應毋庸議提鎮旣無新設那彥成所

請以馬瑜徐錕二員酌調之處亦毋庸議至直
隸開州東明長垣河南濬縣滑縣移駐弁兵一
節查開州原設有守備營東明境內之杜勝地
方原設有都司營惟長垣濬滑向未設營現當
匪徒甫竣之後應交該督撫酌看該三縣情形
如必須添駐弁兵以資彈壓卽各於本省稍簡
營分內酌量抽撥移駐奏明辦理其滑縣所屬

欽定平定教匪紀畧 卷三十一
道口鎮前經那彥成奏准撥駐把總一員應仍
令於就近營分內派駐一吉林黑龍江官兵駐
京一欵查吉林黑龍江兩處俗尚淳樸且以射
獵爲事弓馬嫻熟勇於戰陣誠爲勁旅若如所
請令其更番駐京不特往返疲煩且恐逸居日
久湔染華靡轉致忘其故俗現在在京八旗官
兵屢奉

諭旨實力訓練各旗營大臣誠能認真教演俾於紀
律技藝通曉服習人人有勇知方卽人人可成
精銳其吉林黑龍江官兵調撥駐京事多格礙
所奏應毋庸議一編查保甲收繳軍器一欵查
各省編查保甲屢奉

諭旨令地方官實力奉行直隸豫東三省當匪徒甫
竣之後尤當藉此除莠安良豈得視爲具文至

近賊各路鄉民團練自衛此時賊氛盡熄器械
自應繳回入官其原係自製者酌給價值皆係
地方官應辦之事應請

旨勅下三省督撫轉飭各州縣實心經理倘有查辦
不力以及藉端擾累者卽據實叅奏一酌調直
隸營員一欵查將領全在謀勇其在軍營不能
得力者必其無約束之才勇敢之氣似此豈能

責以訓練士卒留於直隸既不可用調往陝甘
恐亦非宜那彥成身係直隸總督其所屬將備
中旣確見爲不能得力應卽請

旨飭交那彥成嚴加甄別以肅軍政一安設塘汛堆
卡一欵查大道設有墩鋪原以詰盜賊而衛商
旅開州迤南至東明長垣迤北至清豐南樂此
五州縣營汛皆係大名協所屬應卽責成該協

大加整頓並令正定鎮隨時稽察其營房墩臺
本有興修例限如坍塌朽壞應令會同地方官
確勘分別著賠動項修整其相離較遠之處卽
可於修換時酌移適均處所不必特行添設以
省糜費至酌派弁兵於交界要隘稽查盤詰正
此時大兵初撤應行相度布置之事應如所奏
辦理仍交該督等察看情形俟民情寧謐卽行
停撤一查辦逆產絕產一欵先經奉

旨確實查明以爲安插無業難民之用現在長垣等
處難民俱蒙

恩旨撫卹口糧其有業者漸可自謀生計至無業難
民安插最爲難事此項逆產絕產雖屬無多然
散之窮民多沾一分卽受一分之惠若召佃耕
種官收租息租輕則於常賦之外無多裨益租

重則農民困苦加以官侵吏削積久必多逃亡
荒廢現在正定既不設提標其所請佃種辦公
之用應毋庸議仍請遵照前奉

諭旨詳細查明頃畝或給地或變價就所有數目均
勻分給無業難民之尤困者並交該督嚴飭地
方官實心經理以上六款臣等謹悉心酌議伏
候

訓示奏入

上諭內閣曰勒保等奏會議托津那彥成酌籌軍務
善後事宜一摺所議俱是直省營伍各就地方形
勢建設腹地駐兵少於邊隘舊制本極詳明直隸
豫東三省原設額兵足資控馭不得因莠民偶爾
滋事遽議增添况國家經費有常每年增餉三十
萬兩亦非易事豈可不計及久遠至開州等處匪

徒甫靖有須移駐弁兵之處著卽由該省各營酌量抽撥其吉林黑龍江官兵更番駐京操防事多窒礙昨那彥成績行奏請復經降旨訓飭現在各省編查保甲實爲除莠安良要務其收繳練勇器械並安設塘汛堆卡酌添弁兵盤詰奸宄各事宜惟在該督撫實力奉行自足以收成效那彥成現任直隸總督該省營務正資整頓若將不能得力

之員與陝甘將備對調其在直隸旣不可用豈調往陝甘卽可姑容那彥成蒞任伊始無所廻護著卽嚴行甄別以肅軍紀其長垣等處兵燹之後無業難民尤應加意撫卹該處逆產絕產著卽飭屬查明項畝贖給窮民勿任官吏侵欺又滋弊竇

正月二十二日岬長齡楊遇春朱勳奏言河南凱撤官兵於初十日以後陸續到營當將分路

進發並派總兵祝廷彪前赴東路專顧寧陝石泉一帶搜捕餘匪情形恭摺

奏明在案茲於十六日據洋縣知縣王元亮稟稱現在漢江水涸本月十二日巳刻有賊匪男婦一千數百人竄至金溜子地方將守卡義勇殺斃躡淺過江等語臣等查此股即係萬五股內在袁家莊剿散之零匪三百餘人吳廷剛等因

專辦萬五股匪未能分兵至十四日接據洋縣稟報秧田壩有男婦賊匪一千餘人女兒壩有男婦賊匪四百餘人因無官兵追剿以致裹脅日衆臣等即派祝廷彪前往搜捕不意該匪於祝廷彪未到之先已躡淺渡江實爲可恨本日又據洋縣稟報該匪等於十三日尙在該處游奕將軍賽冲阿十三日可抵沔縣臣等已飛催

楊芳祝廷彪趕緊前往漢南查沔縣洋縣距臣等軍營一千數百里洋縣距沔縣二百數十里

臣等已飛致將軍賽沖阿囑將派往漢南官兵

就近調遣棧西零匪有一股竄近徽縣現有總

兵游棟雲叅將馬成帶兵在彼堵剿臣楊遇春

現在棧西剿辦麻大旗等股匪即可就近調遣

臣長齡等督率吳廷剛等將蓋屋峪內尤九陳

四股匪趕緊辦完後卽帶領督標後起官兵並

吳廷剛等趕赴西路與臣楊遇春彼此知會併

力合剿

同日賽沖阿奏言竊臣於正月初三日馳抵保

寧籌辦川北邊防卽帶兵赴陝並催齊各標官

兵二千名兼程前進途次接據陝甘督臣長齡

撫臣朱勳來信內稱龔貴吳抓抓二股雖有竄

入黑河之勢仍時出棧道滋擾囑臣暫紮沔縣
弗卽深入黑河以杜其南竄之路並派總兵楊
芳帶領馬步官兵二千名趕赴沔縣歸併臣一
路至洋縣匪徒已派總兵祝廷彪前往剿捕等
語臣於十四日至沔縣又接據洋縣知縣王元
亮稟稱該縣窩窩子地方匪徒往來裹脅衆至
二千有餘分擾茅坪焚燬汛署勢甚猖獗於十

二日收斃金溜子守卡義勇躡渡漢江竄至南
岸八寶臺地方查該匪竄過漢江逼近川境與
通南巴太等處在在毘連路雜山多人情浮動
自宜將川省完善之區先行顧住然後次第剿
辦現在祝廷彪之兵尙未趕到臣不敢拘泥前
議卽日帶兵向八寶臺一路進剿務期迅就掃
除再辦龔貴吳抓抓等匪惟臣移兵洋縣則沔

縣一路未免空虛因就近檄調寧羌營遊擊林
向榮帶領寧羌陽平二營弁兵五百名在大安
驛隘口駐紮一面飛飭楊芳迅即馳赴沔縣扼
住東南相機剿辦黑河之賊至於川北邊防仰

蒙

諭旨令提臣多隆武暫駐川北督率防堵

睿慮周詳無微不至臣等實深欽服提臣多隆武業

於十二日行抵寧羌州之滴水鋪與臣途次相

遇臣已將川北地勢賊情防守機宜詳晰告知

多隆武即晝夜馳往不日可抵廣元臣現將匪

徒竄過漢江情形飛咨提臣並飭總兵桂涵副

將羅思舉加緊防範以堵為剿再查桂涵原帶

兵七百名羅思舉帶兵六百名分路巡哨昨據

督臣常明咨稱又添派兵一千二百名是川邊

金定本定考國朝卷三十三
兵力足資防堵臣帶兵趕往剿捕兩面夾擊當
可剋期蕆事不致再有蔓延至隴州股匪現有
提臣楊遇春率兵剿辦自能顧住甘境弗使闌
入均奏入

上命軍機大臣傳諭長齡楊遇春朱勳曰長齡等奏
洋縣竄匪躡淺過江分別督辦一摺此股竄渡漢
江之賊同日據賽沖阿奏到該將軍行抵沔縣因

聞該匪等渡江竄至八寶臺卽移兵洋縣先辦此
股竄匪其沔縣黑河之賊已派寧羌遊擊林向榮
帶領寧羌陽平弁兵五百名在彼堵剿已降旨令
賽沖阿督同楊芳祝廷彪先將渡江之賊剿捕完
竣再移兵會剿他股並令多隆武督率桂涵羅思
舉嚴防黑河之賊南竄其麻大旗一股賊匪人數
不少著楊遇春迅速追剿併就近督辦竄近徽縣

零匪至盤屋峪內尤九陳四股匪著長齡督率吳廷剛等趕緊辦竣察看何路兵單即馳往會合併力追剿此次賊眾多係山內匪徒其意總欲四出亂竄分我兵力我兵總當注定成股之賊痛剿窮追使其無裹脅之暇無掠食之資方能迅速掃除長齡等務勉力速辦勿稍遲延現在楊遇春分路剿賊距長齡軍營較遠如得有勝仗剿竣一股即

先自行由六百里具奏俟與長齡合兵再行會銜上又命軍機大臣傳諭賽冲阿多隆武曰賽冲阿奏帶兵行抵沔縣據報洋縣股匪竄過漢江移兵就近剿辦緣由一摺此股竄渡漢江之賊據長齡等同日奏到即係萬五股內零匪經長齡派祝廷彪追剿不意該匪於祝廷彪未到之先已躡淺過江該處逼近川境與通江南江巴州太平等處在在

昆連山徑叢雜現在該匪沿途裹脅已有二千餘人川北完善之區亟須加意防護賽沖阿本在沔縣地方剿辦龔貴吳抓抓二股竄入黑河之賊今聞該匪渡江之信卽移兵洋縣先剿此股賊匪所辦甚合機宜此時楊芳祝廷彪均已帶兵馳赴漢南一帶該將軍正可會同陝省官兵將洋縣一股賊匪奮力剿捕務就地殄除淨盡不可令其再行

竄逸擾及完善之區俟此股辦竣之後如黑河等處賊匪尙未剿淨再當移兵剿辦洋縣一帶距長齡等駐營之處較遠該將軍得有勝仗卽自行由六百里馳奏無庸會銜至川北防守一節尤關緊要現在沔縣一路兵備空虛著多隆武督同桂涵羅思舉分路巡防以堵爲剿并多派弁兵偵探設龔貴吳抓抓股匪竄至邊境或賽沖阿追剿之賊

又復南竄卽帶兵迎頭堵截以收兩面夾擊之效
勿使稍有蔓延闖入川境

上又命軍機大臣傳諭馬慧裕吉林泰富斌曰本日
據長齡賽沖阿等奏賽沖阿因探剿黑河之賊行
抵沔縣探聞萬五分出零匪由洋縣躡淺渡江裹
脅共有二千餘人竄至八寶臺該將軍已帶兵先
往剿辦等語洋縣地界與川北毘連該匪現向東

南奔突有賽沖阿馳往堵截倘賊匪被剿情急折
竄而東則係陝西興安府地界再由興安而東則
與楚省二竹接壤山境叢雜到處可通亦不可不
先事預防著馬慧裕吉林泰卽傳知鄖陽鎮總兵
富斌多派弁兵於邊界偵探如賊匪有竄近楚境
之信卽帶兵迎頭堵剿勿使一名闖入境內

上諭內閣曰上年審辦林清逆案經軍機大臣會同

刑部將緝獲案犯鞫訊定擬分別情罪最重次重
奏明辦理此等梟獍之徒糾謀倡亂覆載不容必
當盡法處治以快人心但人數衆多其實係鄉愚
無知被誘脅從者亦所不免一經預知逆謀不得
不按律懲辦朕每於無可寬宥之中求其有一線
可原者量爲改減自去年九月以後節次審辦已
二百餘犯本年正月十二日又辦理牛亮臣馮克

善等犯仍在立春以前現當春陽應候宜乘時布
澤以迓祥和著傳諭軍機大臣刑部堂官自立春
以後審擬各逆犯如祝現劉第五劉呈祥支進才
董伯旺劉成章等仍按律寸磔以彰國憲其餘情
節最重者問擬凌遲情節次重者卽改爲斬決情
節又次重者卽改爲斬監候分別定擬具奏軍機
大臣等務斟酌情罪重輕詳慎定讞以副朕矜卹

刑獄法外施仁之意

正月二十三日配方受疇奏言欽奉

諭旨飭拏馮克善供出滑縣尙村居住之郭老殿一
犯查馮克善所供郭老殿曾任教職如果實有
其人斷難諱匿當卽分委幹員馳赴滑縣及南
陽府密拏今據該府縣及委員等在於滑縣尙
村及其餘各村莊遍查並無曾任夏邑縣教官

郭老殿其人檢查臣與藩司衙門歷年各官任
事冊檔並咨查學政衙門歷任夏邑縣教諭訓
導均無籍隸滑縣之郭姓至飭拏之馬三元一
犯南陽府地方查無太平坡地名其南陽縣境
內太平莊二處業已挨查並無馬姓鄧州所轄
之太平里雖有馬姓而無馬三元其人該處亦
無傳習邪教之事奏入報

聞

正月二十四日丙戌同興奏言竊查東省辦理逆匪一案文武同心實屬人人感奮志切同仇所有打仗出力武職仰蒙

聖恩逾格優獎而在事文員更覺爭先踴躍早夜辛勒實屬始終不懈茲臣於眾員中詳加甄核謹擇其隨營最久勞績較多者分別註明繕列清單

單據實

奏請可否仰懇

鴻慈俯加鼓勵此外尚有較次出力之實缺候補正佐雜職應請量予議敘及儘先補用文員容臣確查咨部分別辦理

同興又奏言竊照東省因公叅革知縣唐縉良等五員自上年九月軍興以來自備資斧投効

隨營臣當因事生倉猝在在戒嚴現任正印各官未便多爲派帶而差委緊要事件又非曾經歷練之員不堪任使因卽准留分別差遣數月以來該員等承辦事件均能盡心出力始終奮勉臣核其被議原案均屬因公今該員等隨營出力著有微勞可否仰懇

皇上格外

恩施之處出自

聖裁謹繕具各員事由清單恭呈

御覽再查藩司朱錫爵白軍興以來總理錢糧督辦軍需一切均極周備臣帶兵在外省署事件該司代理俱無貽悞又臬司劉大懿於上年初獲逆匪時督率府縣實心究審九月十四日接據同知吳堦密稟有匪徒欲在省城劫獄滋事劉

大懿會同朱錫爵料理守禦並巡查城監晝夜
辛勤不辭勞瘁省城得保安堵查朱錫爵劉大
懿係兩司大員表率通省受

恩至重理應事事奮勉惟該司等此次勤勞實屬始
終未懈可否並懇

天恩賞戴花翎之處出自

聖慈奏入


上諭內閣曰同興保奏東省辦理逆匪案內出力各
文員並投効出力各員懇請加恩各摺東省自軍
興以來各該員隨營辦事均屬奮勉著加恩照該
撫所請青州府同知武隆阿濟南府同知章埏曹
州府同知吳培俱賞戴花翎泰安府通判慶福安
邱縣知縣呂紹賢曹縣知縣張正勳候選知縣劉
廷榛鹽運司經歷舒春滕縣縣丞馮策俱賞戴藍

翎荷澤縣知縣葉肇柵單縣知縣藍嘉言俱賞加
知州銜捐陞同知候補知縣宋鑑著留於東省卽
以同知補用東昌府經歷李俊文滋陽縣縣丞王
仲樹曹縣縣丞張燾蒲臺批驗所大使錢鄰候補
主簿孫鑑遇有應陞缺出卽行陞用候補同知金
章王士芳候補通判名祿候補知縣王有熙張恒
遇有各本班缺出不論繁簡卽行補用候選知縣
袁汝湘王有慶俱歸部儘先選用投効從九品黃
炳鄭文樞周樹本未入流安瀾俱免捐分發留於
山東卽以本職補用捐職從九品張祿卿以本職
留於山東卽行補用其叅革知縣鹿慎思唐縉良
童俊德俱准其開復留於山東仍以知縣補用在
東充徒之叅革知縣周承寬准其贖罪捐復原任
廣東知縣捐陞卽用同知沈寶善准其照案開復

卽由東省給咨送部引見至藩司朱錫爵辦理軍需及省署事件臬司劉大懿審辦逆案會同藩司守禦省城懇恩賞戴花翎所奏不准行朱錫爵劉大懿並未在軍營出力其在省辦公皆係分內之事該司等於所屬地方匪徒傳教滋事失於覺察本有應得之咎茲從寬不加懲處念其經理一切尚為妥協著加恩交部議敘

是日同興奏言竊臣節次奉

旨發交應緝各犯名單均經欽遵飭屬上緊嚴拏前據署德州知州徐霖莘縣知縣胡朝倫將單內所開之劉元姜雪崖姜黑兒姜磬兒葛文智劉銀及應質之姜玉柱姜玉衡並夏之禮靳希盛等先後拏獲其唐鬍子供出之要犯劉王訓查係直隸曲周縣人據署臨清州知州周林會營



密行馳往查拏亦已獲案並獲其子劉九苞劉
九朝劉九思並起獲刀鎗器械十數件又應緝
之陸貴一犯已自赴德州投質現在飭提俟訊
明確供再行奏

聞分別辦理至宋玉林前在京供出有靳三及其子
靳希盛居住莘縣靳家堤口亦習離卦教係東
昌府郜姓徒弟查靳希盛業經拏獲解京所供

郜姓卽崔士俊案內究出之高繼遠前據該犯
供明原籍河南商邱縣世習離卦教伊父行五
兄弟五人郜四幼殤郜大部二郜三均因習教
破案正法郜二有子郜鞏亦因習教發遣伊父
郜五監斃郜三亦有一子郜道遠卽郜添麟因
屢次犯案於乾隆五十二年間遷居山東聊城
縣東關外改高姓傳徒靳清和卽靳清洪等迨

邵道遠病故卽高繼遠接傳教首其高繼遠斬
清和與徐安峒之徒高玉爪卽高毓藻均早經
拏獲解省於上年九月內定擬具

奏業俱正法又據莘縣知縣胡朝倫稟報親至靳
家堤口確查靳三卽已正法之靳清和屬實並
無另有靳三其人又應緝之賊匪羅文志卽羅
文治前拏獲匪犯宋輝周等供明於十月初十

日在直境焦家樓已被鄉勇殲斃事屬有據奏

入報

聞

正月二十五日訂勒保等奏言竊照山海關副
都統額勒金布於盤獲各犯任聽屬員刑逼誘
供草率具

奏欽奉

諭旨交部議處來京聽候部議臣等酌議請將前任
山海關副都統額勒金布照問刑官員不虛心
研鞫刑逼妄供率據核轉之司道降三級調用
例降三級調用毋庸查級議抵奏入

上諭內閣曰兵部奏議處山海關副都統額勒金布
一摺上年節次據額勒金布奏盤獲匪犯各案俱
稱有謀逆重情出入山海關送信糾人及解京交


軍機大臣會同刑部審訊惟李得水一犯雖無送
信糾人謀逆情事曾在長垣隨同搶劫尙係有罪
之人其餘各案皆由刑逼勒供全屬虛枉額勒金
布任聽所屬之人妄拏故勘並未親自覆審率以
糾衆謀逆重情張皇入告以致拖斃無辜至六命
之多僅照部議降三級調用尙覺過輕額勒金布
著革去副都統賞給藍翎侍衛自備資斧前往英

吉沙爾換回彥濟保伊過京之日不准請訓即行起程

正月二十六日子戊

上諭內閣日本日那彥成來京復命並陳自滑縣凱撤經過直隸山東沿途地方民情極為寧謐上年河南滑濬等處逆匪滋事特命那彥成由陝甘馳赴豫省授以欽差大臣關防總統師干經朕疊加

訓飭那彥成感奮自効連奏克捷兇渠授首逆黨悉除辦理迅速完善那彥成克副委任深堪嘉獎伊係阿桂之孫亦由平日習聞祖訓勉紹家聲故能宣力效猷懋膺爵賞茲追念舊勲著於本月二十九日在阿桂墓次賜祭一壇著禧恩前往奠酒用示朕眷舊酬庸恩意



文政奉辰

